
**ՄՈՒՍԹԱՖԱ ՔԵՄԱԼԻ ՔՐԴԱԿԱՆ ՔԱՂԱՔԱԿԱՆՈՒ ԹՅՈՒՆԸ ԵՎ ՇԵՑԽ ՍԱԻԴԻ
ԱՂԱՍՏԱՄԲՈՒԹՅՈՒՆԸ 1925 Թ.**

ՍԱՅԻՅԱՆ Ա. Ս.

1918 թ. հոկտեմբերի 30-ի Մուղրոսի զինադադարից հետո անխուսափելի դարձած Օսմանյան կայսրության բաժանման հեռանկարը խթանեց քրդերի ազգային-ազատագրական շարժումը: Արտասահմանում և Ստամբուլում ստեղծվեցին կոմիտեներ, որոնց նպատակն էր քրդական հարցի լուծումը: Դրանցից էր Կահիրեում Մուրեհյա Բադրիսանի ստեղծած «Քուրդիստանի անկախության կոմիտեն», որի ներկայացուցիչ Շերիֆ փաշան ուղարկվեց Փարիզ՝ դաշնակիցների մոտ քրդերի իրավունքները պաշտպանելու համար: Սակայն նա չունեի հարկ եղած չափով հեղինակություն, իսկ հայկական պատվիրակությունը ավելի կազմակերպված էր և ավելի մեծ հնարավորություն ուներ սատարելու նրա պահանջները: Այս պարագայում Շերիֆ փաշան ստիպված էր միանալ հայկական պատվիրակությանը: 1920 թ. օգոստոսին 10-ին կնքվեց Սևրի հաշտության պայմանագիրը, որը նախատեսում էր Օսմանյան կայսրության արևելյան հողերի վրա ստեղծել ազատ և անկախ Հայաստան և Քուրդիստան. Սև ծովից Շատախ և Մոկս, ինչպես նաև Օլթիից Երզնկան ներառյալ՝ պետք է մտնեին Հայաստանի Հանրապետության կազմի մեջ, իսկ դրանից հարավ ընկած հողերում ստեղծվելու էր Քուրդիստանը:

Ապագա Քուրդիստանում ղեկավար դիրք գրավելու համար պայքարում էին ինչպես Շերիֆ փաշան, այնպես էլ Ստամբուլում հիմնված «Քուրդիստանի վերածնության ընկերությունը»՝ Աբդուլ-Կադիրի և Աբդուռահման Հաքյարիի ղեկավարությամբ: Սակայն 1919 թ. կեսերին Կենտրոնական Անատոլիայում սկսված Միլլի շարժումը՝ Մուսթաֆա Քեմալ փաշայի գլխավորությամբ, ինչպես նաև բոլշևիկյան Ռուսաստանի առաջխաղացումը Հարավային Կովկասում, նոր իրողությունների առջև կանգնեցրին քրդական շարժման առաջնորդներին: 1919 թ. հունիսի 23-ից օգոստոսի 7-ը Էրզրումում կայացավ Արևելյան վիլայեթների իրավունքների պաշտպանության ընկերության կոնգրեսը: Իսկ 1919 թ. սեպտեմբերի 4-12-ը Սվազում կայացավ Անատոլիայի և Ռումելիայի իրավունքների պաշտպանության ընկերությունների համաթուրքական կոնգրեսը, որին մասնակցեց 33 պատգամավոր: Կոնգրեսն ընտրեց նոր ներկայացուցչական կոմիտե՝ 16 հոգուց բաղկացած խորհրդարան, կրկին Մուսթաֆա Քեմալի գլխավորությամբ:

Օսմանյան խորհրդարանը 1920 թ. հունվարի 28-ին ընդունեց «Ազգային ուխտը», որը հռչակեց Թուրքիայի անկախության և ամբողջականության սկզբունքը՝ Մուղրոսի զինադադարի ստորագրման պահին գոյություն ունեցած սահմաններում, և այլ դրույթներ: Սակայն Անտանտի զորքերը 1920 թ. մարտի 16-ին գրավեցին Կ. Պոլիսը, և օսմանյան խորհրդարանը ցրվեց: Այդ պայմաններում Սվազի ներկայացուցչական կոմիտեն որոշում ընդունեց Անկարայում նոր մեջլիս հրավիրելու մասին: 1920 թ. ապրիլի 23-ին Անկարայում գումարվեց Թուրքիայի Ազգային մեծ ժողո-

վը՝ ԹԱՄԺ-ը, որն իրեն հռչակեց որպես միակ օրինական իշխանություն: Մայիսի 3-ին ԹԱՄԺ Մուսթաֆա Քեմալի գլխավորությամբ ընտրեց 11 մարդուց բաղկացած կառավարություն:

Սկզբնական շրջանում, քանի դեռ քեմալական շարժումը թույլ էր, Քեմալը առերես սիրաշահում էր քրդերին, սակայն շատ ժամանակ չանցած՝ 1920 թ. վերջերից և 1921 թ. սկզբներից, երբ քեմալականների դիրքերը սկսեցին ամրապնդվել, նրանք ցույց տվեցին իրենց իրական՝ ազգայնամոլ դեմքը: Քեմալականները քրդերին հայտարարեցին լեռնային թուրքեր, փակեցին քրդական թերթերը, դպրոցներն ու ակումբները: Քուրդ ազգայնական գործիչների նկատմամբ առաջին հալածանքները սկսվել էին դեռ 1919-ին: Նույն թվականի հուլիսին Դիարբեքիրում տեղակայված 13-րդ կորպուսի հրամանատարին Քեմալը հրամայեց ձերբակալել Ստամբուլից Քուրդիստան մեկնած Ջեյադեթ, Քյամրան և Էկրեմ Բադրխաններին: Եվ միայն այդ հրամանատարի անվճռականությունը, որը սպասում էր սուլթանական կառավարության սանկցիային, ինչպես նաև Խարբերդի վալի Գալիբ Ալի բեյի օգնությունը փրկեցին նրանց ձերբակալությունից¹: Քրդերին սկսեցին մեղադրել նաև անգլիացիներին աջակցելու մեջ, ինքը՝ Քեմալը, հայտարարում էր, թե անգլիացիները, ըստ քրդերի հետ պայմանավորվածության, նրանց, որպես օգնություն, Ուրֆայից ուղարկում են 1 դիվիզիա²:

1920 թվականին, քեմալականների իշխանության ամրապնդմանը և հակաքրդական քաղաքականության որդեգրմանը զուգընթաց, քրդերի շրջանում ավելի ուժեղացան հակաթուրքական տրամադրությունները, որոնք վերաճեցին զինված ելույթների: 1920 թ. մայիս-հունիսին ապստամբեց միլլի ցեղային միությունը՝ Մահմուդ Իսմայիլի, Խալիլ Բախուրի և Աբդուռահման բեյի գլխավորությամբ: Նրանք կապեր հաստատեցին անգլիացիների և ֆրանսիացիների հետ՝ ռազմական գործողությունները համակարգելու նպատակով: Այսպես, երբ ֆրանսիացիները շարժվում էին դեպի Ուրֆա, միլլի ջոկատները գրոհեցին Սիվերեկը, սակայն հունիսի 19-ին, պարտվելով թուրքական 3-րդ դիվիզիային, անցան սահմանից այն կողմ և 3-հազարանոց հեծելազորով և հազար հետևակով գրավեցին Վերանշեհիրը, բայց սեպտեմբերի սկզբներին դուրս մղվեցին այդտեղից³: Հուզումներ էին տեղի ունենում նաև Դերսիմում: 1920 թ. նոյեմբերին նրա կենտրոն Խոզաթում տեղի ունեցավ Դերսիմի և Շեմիշգեզեկի ղեկավարների հավաքը, որը որոշեց համախմբել ուժերը քրդերի ազգային իրավունքների նվաճման համար: Նրանք նոյեմբերի 15-ին Քեմալից պահանջեցին հայտնել իր տեսակետները՝ ինքնավար Քուրդիստանի խնդրի վերաբերյալ, բանտերից ազատել բոլոր քրդերին, քրդական շրջաններից հետ կանչել բոլոր թուրք պաշտոնյաներին ու հետ քաշել թուրքական զորքերը Կոշկիրի շրջանից⁴: Գտնվելով պատերազմի մեջ Հունաստանի և Հայաստանի հետ և չունենալով անհրաժեշտ զորքեր Դերսիմի հուզումները ճնշելու համար՝ Քեմալը ստիպված

ընտրեց քանակությունների և

¹ Лазарев М. С., *Империализм и курдский вопрос*, М., 1989, с. 118.

² Նույն տեղում, էջ 119:

³ Նույն տեղում, էջ 127:

⁴ *История Курдистана*, М., 1999, с. 253.

կաշառքի ուղին: 1921 թ. սկզբին ապստամբեցին Կոշգիրի քրդերը, որոնք կարճ ժամանակահատվածում գրավեցին Կանգալ, Քոջհիսար, Տիվրիկ, Ջարա, Ռեֆահիե, Կուրուջայ և Քեմալիի շրջանները՝ մոտ 15 հազար քառակուսի կմ տարածությամբ: Քրդերը հաշվվում էին 15 ջոկատ՝ 6 հազար մարտիկներով: Թուրքական կանոնավոր զորամասերի հետ մարտերից հետո նրանք քաշվեցին Դերսիմ՝ տալով 113 սպանված և 159 գերի⁵:

Քեմալը և նրա կառավարությունը որքան դաժան գտնվեցին սեփական երկրի քրդերի հանդեպ, նույնքան ջերմ էին վերաբերվում Իրաքի, այսինքն՝ Հարավային Քուրդիստանի քրդերին՝ նպատակ ունենալով նրանց մղել անգլիացիների դեմ ակտիվ պայքարի և վերադարձնել Մոսուլի վիլայեթը: Այս հարցում հստակություն չէր մտցրել Սևրի պայմանագրի 64-րդ կետը⁶:

Երբ 1921 թ. թուրքական զորքերը մտան Մոսուլի վիլայեթ և գրավեցին Ռևանդուզը, բանտից ազատված Մահմուդ Բարզանին 1922 թ. սեպտեմբերին նշանակվեց Մուլեյմանիեի ընտրական խորհրդի նախագահ: Նա դարձավ «ինքնավար Քուրդիստանի» նախագահ, իսկ վարչապետ նշանակվեց շեյխ Կադերը, քրդերենը հայտարարվեց պետական լեզու, թողարկվեցին դրոշմանիշեր և դրամ, լույս տեսան քրդերեն թերթեր: Սակայն ո՛չ անգլիացիները և ո՛չ էլ իրաքյան իշխանությունները մտադիր չէին նույնիսկ ինքնավարություն տալ քրդերին: 1922 թ. Մ. Բարզանին պատվիրակություն ուղարկեց Բաղդադ՝ քննարկելու ինքնավարության հարցը: Սակայն բանակցությունները ձախողվեցին: Դրանից հետո Մ. Բարզանին փոխեց դիրքորոշումը: 1922 թ. ձմռանը նա Թուրքիայում ցեղապետերի ժողով գումարեց, որտեղ դրված էր մի հարց՝ ում հետ դաշնակցել: Ժողովուրդը եկավ այն եզրակացության, որ պետք է թուրքերի կողմն անցնել⁷:

1922 թ. նոյեմբերի 20-ին բացված Լոզանի հաշտության կոնֆերանսում քրդական հարցը ոչ ոք չբարձրացրեց. այն սահուն կերպով մտցվեց Մոսուլի վիլայեթի հարցի մեջ: Անգլիացիները կտրականապես մերժեցին Մոսուլի վիլայեթը հանձնել թուրքերին՝ հասկացնելով, որ կանգ չեն առնի անգամ նոր պատերազմի առաջ՝ Մոսուլը պահելու համար: Մուսթաֆա Քեմալը պատրաստ չէր պատերազմի և ի վերջո որոշեց Մոսուլը զիջել՝ նեղուցների հարցը իր օգտին լուծելու համար:

1919-1923 թթ. ընթացքում քեմալականները հմտորեն օգտագործեցին քրդական խաղաքարը: 1923 թ. հունվարին քրդական ազատագրական շարժումը կանխելու նպատակով Դիարբեքիրում հիմնվեց անկախության դատարան՝ արևելյան վիլայեթների համար: 1923 թ. հոկտեմբերին ԹԱՄԺ-ը ընդունեց օրենք «Բանդիտիզմի մասին», որը պատրաստել էր Թուրքիայի ներքին գործերի կոմիսար-նախարար Ֆեթհի բեյը⁸: Այն ավելի էր խստացնում պատիժը ինչպես բանդիտիզմի, այնպես էլ դրան

⁵ Նույն տեղում, էջ 254:

⁶ **Կարո Սասունի**, Քիւրտ ազգային շարժումները և հայ-քրտական յարաբերությունները, Պէյրութ, 1968, էջ 238:

⁷ *Is2 or*, *Kurg*, c2 ana, c. 270.

⁸ *Kurgsk*, *й альманах*, Мх 2001, сх61х

աջակցողների նկատմամբ⁹։ Սակայն ամենակարևորը, իհարկե, 1924 թ. ընդունված Թուրքիայի նոր սահմանադրությունն էր, որը ներծծված էր պանթուրքիստական, ազգայնամոլ ոգով։ Այն չէր ընդունում Թուրքիայում, թուրքերից բացի, այլ ազգերի գոյությունը։

Քրդական վերնախավը՝ մտավորականությունը, աղաներն ու շեյխերը և սպայությունը, հասկացավ, որ դատապարտվում է թուրք դառնալու, հակառակ դեպքում իրենց հետ կվարվեն այնպես, ինչպես հայերի հետ։ Ոչ անմիջականորեն, բայց քրդերի դեմ էին ուղղված նաև սուլթանության և խալիֆայության վերացումը և վարչական նոր բաժանումը, ըստ որի՝ հին վիլայեթները վերացրեցին, իսկ նրանց սանջակներն անվանեցին վիլայեթներ, որոնք անմիջականորեն ենթարկվում էին ներքին գործերի կոմիսարին¹⁰։

Դեռևս 1920 թ., երբ քրդերը մենակ մնացին թուրքերի դեմ և հասկացան, որ իրենց ոչ ոք չի օգնելու, ձեռնամուխ եղան սեփական կազմակերպություն ստեղծելուն։ 1920 թ. հոկտեմբերին Ջիբրան ցեղի աշիրեթապետ գնդապետ Խալիթ բեյը, Բիրլիսից պատգամավոր Ալի Ռեզան, Քեմալ Ռեզի բեյը, Շեյխ Սայիդը ստեղծեցին գաղտնի կազմակերպություն, որը 1-2 տարվա ընթացքում բավական տարածվել էր քրդական հասարակության մեջ՝ ընդգրկելով բոլոր խավերը։ Այս այլազան խմբերը Ջիբրանը Խալիթ բեյը կարողացավ 1923 թ. միավորել 1 կազմակերպության մեջ՝ «Ազադի» Քուրդիստանի անկախության կոմիտե¹¹։ Կազմակերպությունը գաղտնի էր և բաղկացած էր ընդհատակյա խմբերից, յուրաքանչյուրում՝ 5 հոգի։ Նրանք գիտեին միայն իրենց խմբի անդամներին, իսկ մյուս խմբերից գիտեին ընդամենը 1 հոգու։ Կոմիտեի ղեկավար դարձավ Ջիբրանը Խալիթ բեյը, որը կարճ ժամանակահատվածում կարողացավ իր կողմը գրավել ցեղի առաջնորդ Հաջի Մուսային, հասանալ ցեղի առաջնորդ Խալիթ բեյին և այլոց։ Նրանց հաջողվեց կապեր հաստատել թուրքական բանակի քուրդ սպաների հետ։ «Ազադի» կոմիտեի կենտրոնը Էրզրումն էր։ Իսմայիլ Հաքքըն կենտրոնի հրահանգով կոմիտեի մասնաճյուղ հիմնեց Դիարբեքիրում։ Կոմիտեի ղեկավարությունը մեծ տեղ էր հատկացնում տեղական իշխանությունների հետ կապերին, ինչպես նաև շեյխերի ու աղաների օգնության ապահովմանը։ Այդ պատճառով մեծացավ շեյխ Սայիդ Նաքշբանդիի դերը կոմիտեում, որովհետև նրա ազդեցությունը տարածվում էր Խնուսից մինչև Դիարբեքիր։ 1923-1924 թթ. ձմռանը Բալուում տեղի ունեցավ քուրդ ղեկավարների խորհրդակցություն, որտեղ որոշում ընդունվեց ակտիվացնել ընդհատակյա աշխատանքը, զինել ցեղերին, ինչպես նաև հասնել նրան, որ Ազգերի լիգան ճանաչի Քուրդիստանի անկախությունը։

Կոմիտեի անդամները ջանքեր էին գործադրում նաև կապեր հաստատել Քեմալին ընդդիմադիր թուրքական ուժերի հետ, որոնցից ամենահայտնին Առաջադիմական-հանրապետական կուսակցությունն էր։ 1924 թ. Յուսուֆ Ջիան Ստամբուլում հանդիպեց այդ

և

այլ

ընդդիմադիր

⁹ Ataturrkun Solev ve Demecleri, Ankara, 1958.

¹⁰ Аванесов С. С., Положение нацменьшинств в Турци, , , Е., 1969, с. 54.

¹¹ История Курдистана, с. 271.

կուսակցությունների անդամներին: Դրանից հետո նա մեկնեց Էրզրում, որտեղից ծածկագրված հեռագիր ուղարկեց հիշատակված դիվիզիա, իր եղբայր Ռիզային, որը որպես սպա ծառայում էր այդտեղ: Այս ծածկագրված հեռագիրը քուրդ սպաները սխալմամբ ընդունեցին որպես ապստամբության ազդանշան և իրենց զորամասերով ապստամբեցին՝ հեռանալով լեռներ: Բանից անտեղյակ քրդական ցեղերը նրանց չաջակցեցին, և ապստամբ ղեկավարները ստիպված ցրեցին զինվորներին, ապա անցան Սիրիա, այնտեղից էլ՝ Իրաք:

Այս անհաջող փորձը, ինչպես նաև երկրով մեկ քուրդ պատգամավորների, սպաների, շեյխերի ու աղաների տեղաշարժերը չէին կարող վրիպել թուրքական իշխանությունների աչքից: Քեմալի հրամանով 1924 թ. հոկտեմբերին ձերբակալվեցին Յուսուֆ Ջիան, Հաջի Մուսան, ևս 20 ղեկավար, իսկ դեկտեմբերի 24-ին՝ նաև Ջիբրանը Խալիթ բեյը: Այս ձերբակալություններից հետո կոմիտեի նախագահ ընտրվեց Շեյխ Սայիդը: Կայացած խորհրդակցությունում որոշում ընդունվեց անհապաղ սկսել ընդհանուր ապստամբություն և ազատել ձերբակալված ընկերներին:

Կոմիտեն հանձնարարեց շեյխ Սայիդին՝ գրավել Դիարբեքիրը և կապ հաստատել Սիրիայի քրդերի հետ: Շեյխ Սայիդը հրամայեց Հասանանը Խալիթ բեյին գրավել Բիթլիսը և ազատել ձերբակալվածներին, իսկ ինքը 1924 թ. դեկտեմբերի 27-ին մեկնեց Բալու: Դրանից մեկ ամիս առաջ Ալի Ռիզան կարողացել էր Հալեպում հավաքել Սիրիայի, Թուրքիայի, Իրաքի քուրդ ազդեցիկ ղեմքերին, որոնք որոշում էին կայացրել Թուրքիայում ապստամբությունը սկսել 1925 թ. հունիսին¹²: Ալի Ռիզան Հալեպի խորհրդակցությունից մեկ շաբաթ անց Ստամբուլում հանդիպեց Սայիդ Աբդուլ Կադիրին և պատմեց Հալեպի խորհրդակցության, ինչպես նաև թուրքական Քուրդիստանում տիրող իրավիճակի մասին: Սայիդ Աբդուլ Կադիրն էլ իր հերթին տեղակացրեց, որ ինքը երկար ժամանակ է, ինչ բանակցում է անգլիական դեսպանության ներկայացուցչի հետ, և եթե բանակցությունները հաջող ընթանան, ինքն անձամբ կգա Քուրդիստան՝ ապստամբությունը համախմբելու համար: Ալի Ռիզան Ստամբուլում և Անկարայում հանդիպելու էր Քեմալին ընդդիմադիր թուրքական ուժերի հետ: Նա նաև տեղեկացրեց Հալեպի ժողովի մասնակիցներին, որ ապստամբությունը սկսվելուց հետո կդիմի Ազգերի լիգա: Նա փորձեց իր կողմը գրավել ղզլբաշների խորմեկ ցեղին, սակայն նրա ցեղապետերը խորհրդակցության ժամանակ ոչ միայն դեմ արտահայտվեցին ապստամբությանը, այլև որոշեցին ամեն կերպ խանգարել դրան և շեյխ Սայիդի նամակն էլ ուղարկեցին Վարդոյի թուրք կայմակամին: Ձախողվեցին շեյխի փորձերը՝ ապստամբության մեջ ներգրավել նաև Դերսիմի և Մուշի քրդերին:

1925 թ. հունվարի 8-ին շեյխ Սայիդի մոտ կայացած խորհրդաժողովը որոշում կայացրեց սկսել ապստամբությունը, գրավել Դիարբեքիրը, Բիթլիսը, Երզնկան, իսկ այնուհետև շարժվել դեպի Իրաք՝ շեյխ Մահմուդ Բարզանիին միանալու համար:

¹² Լաթո Սաաունի, նշվ. աշխ., էջ 245:

1925 թ. հունվարի 9-ին շեյխ Սայիդը ուղևորվեց Գենչ, Լիջե և Խանի, որտեղ հանդիպեց տեղի քուրդ առաջնորդներին, իսկ փետրվարի 5-ին հարյուր հեծյալի ուղեկցությամբ գնաց Փիրան՝ իր եղբայր շեյխ Աբդուռահմանի մոտ: Հենց այստեղ էլ պատահեցին այն դեպքերը, որոնք ստիպեցին ավելի շուտ սկսել ապստամբությունը: Նույն օրը երեկոյան գյուղ եկավ 15 թուրք ժանդարմ, որոնք պահանջեցին շեյխ Սայիդից իրենց հանձնել սպանության մեջ կասկածվող 10 քրդերի: Պահանջը մերժվեց, և գործը հասավ փոխհրաձգության. մի քանի ժանդարմներ սպանվեցին, մնացածներն էլ սպայի հետ գերի վերցվեցին: Շեյխ Սայիդը չէր ուզում, որ ապստամբությունը սկսվի, քանի որ կարծում էր, որ դեռ անպատրաստ են, և գնաց Գենչ, որ միջադեպը ինչ-որ կերպ հարթի: Սակայն նրա եղբայր շեյխ Տախան, իմանալով Փիրանում տեղի ունեցած դեպքի մասին, հարձակվեց Լիջեյի փոստի վրա և փետրվարի 11-ին եկավ Գենչ՝ Սայիդի մոտ բերելով փաստաթղթերն ու փողերը: Նա ստիպված էր ապստամբություն բարձրացնել և փետրվարի 14-ին 10 հազար ապստամբներով գրավեց Գենչը: Շեյխ Սայիդը հրապարակեց արտակարգ օրենք, ըստ որի՝ Քուրդիստանի ժամանակավոր մայրաքաղաք էր հռչակվում Գենչը, ամբողջ իշխանությունը անցնում էր նրա ձեռքը: Նոր հրամանով վերացվում էր «աշար» հարկը, որի փոխարեն կոչ էր արվում ապահովել ապստամբներին սննդամթերքով: Ապստամբության ղեկավար դարձավ շեյխ Սայիդը, նրա տեղակալ՝ Ֆաքի Հասանը, որի նստավայրն էր Գենչը: Շեյխ Սայիդը պետք է իր ուժերը կենտրոնացներ Թեյլալում՝ դեպի Դիարբեքիր հարձակման համար: Դիարբեքիրը կարևոր էր երկու առումով: Նախ՝ քրդերը դիտում էին Դիարբեքիրը՝ որպես իրենց ապագա պետության մայրաքաղաք, և երկրորդ, գրավելով այն՝ ապստամբները կարող էին կապեր հաստատել արտասահմանի հետ՝ հույս ունենալով ստանալ զենք և օգնություն: Սայիդը ստանձնեց Հաջի Հասանի, Օմեր Ֆարոյի, ինչպես նաև միարան և բոթան ցեղերի ջոկատների հրամանատարությունը, Իսյանի լեռնանցքով գնաց Դիարբեքիր, որի մոտակայքում փետրվարի 28-ին նրան միացավ շեյխ Շամսէդդինի մեծաքանակ ջոկատը: Ապստամբների թիվը հասավ 20 հազարի: Նրա եղբայրը շեյխ Էյուբի հետ հարձակվեց Էրզանի վրա:

Սկզբում թուրքական կառավարությունը չէր գիտակցում պահի լրջությունը: Այսպես, փետրվարի 20-ին ԹԱՄԺ-ում Թուրքիայի վարչապետ Ֆեթհի բեյը հայտարարեց, թե հայտնվել է մի ավազակ շեյխ, որը խռովություն է բարձրացրել¹³: Սակայն Քեմալը անմիջապես հասկացավ դրության լրջությունը և շտապ Ստամբուլից Անկարա հրավիրեց Իսմեթ փաշային (Բնոնյու)¹⁴: Եվ մինչև 1925 թ. մարտի 3-ը, այսինքն՝ Իսմեթ փաշայի վարչապետ նշանակվելը, ռազմական հաջողությունը քրդերի կողմն էր: Հաջորդ օրը՝ մարտի 4-ին, ԹԱՄԺ-ն ընդունեց իր 578-րդ օրենքը՝ կարգուկանոնի պահպանության մասին, որն արտակարգ լիազորություն էր տալիս իշխանություններին՝ ժողովրդական ելույթների և երկրում ամեն տեսակ ընդդիմադիր գործունեության դեմ մղվող պայքար-

¹³ Metin Toker, 1925 Kırt ayaklanmas ve Seit sait ayaklanmas, Istanbul, 1985, p. 58:

¹⁴ Atatürk'ün solev ve Demegleri, Ankara, 1958, s. 72.

րում¹⁵: Թուրքերը ստիպված էին ռազմական դրության մեջ պահել ութ-ինը դիվիզիա, պահեստագործից գորակոչվեցին վերջին հինգ կրտսեր տարիքի պահեստագորայինները: ԹԱՄԺ-ն ապստամբած շրջաններում մեկ ամսով հայտարարեց արտակարգ դրություն, որը հետո երկարաձգվեց վեց ամսով¹⁶:

Թալայում շեյխ Սայիդը իր ապստամբության անհրաժեշտությունը հիմնավորեց ոչ թե անկախ Քուրդիստան ստեղծելու, այլ Անկարայի «անհավատներից» կրոնը պաշտպանելու համար, ինչը վանեց շատ քրդական ցեղերի և դերվիշական միաբանությունների՝ հատկապես զազաներին, դվլաշներին, ալիններին, քանի որ նրանք չէին ուզում կովել Նաքշբանդի միաբանության շեյխի հրամանատարության տակ: Իսկ անկախ Քուրդիստանի գաղափարը կմիավորեր բոլորին: Սա շեյխ Սայիդի մեծ սխալն էր: Պաշարելով Դիարբեքիրը՝ 1925 թ. մարտի 11-ին քրդական ջոկատները հարձակման անցան: Գիշերը, օգտագործելով գաղտնի թունելները, քրդերը մտան քաղաք՝ Մարդինի դարպասներով: Թուրքերն ամրացան միջնաբերդում, և մի քանի ժամվա մարտերից հետո քրդերը, տալով մոտ 150 սպանված, թողեցին քաղաքը կամ ցրվեցին տներով: Դիարբեքիրի անհաջող գրոհից հետո շեյխ Սայիդը ստիպված դադարեցրեց պաշարումը և նահանջեց Սիվերեկ: Այստեղ նա մարտի 20-ին 300 ձիավորով մարտ տվեց իր դեմ շարժվող թուրքական հեծյալ դիվիզիոնի և զազաների ջոկատի դեմ ու հաղթեց: Գերի ընկավ 80 զազա:

Սակայն չնայած այսպիսի մասնակի հաջողություններին՝ ընդհանուր վիճակը գնալով վատանում էր: Հյուսիսից ապստամբների վրա էր շարժվում 40, իսկ հարավից՝ 30 հազար թուրք զինվոր¹⁷:

Վախենալով Թուրքիայում բռնկված քրդերի պայքարի ծավալումից՝ Անգլիան և հատկապես Ֆրանսիան օգնություն ցույց տվեցին Քեմալին: Ֆրանսիան համաձայնվեց, որ թուրքական զորքերը երկաթգծով նետվեն Մարդին՝ ապստամբների թիկունքը՝ նրանց նահանջի ճանապարհը փակելու համար¹⁸: Իսկ Անգլիայի խորհրդով և օգնությամբ թուրքերը քրդերի դեմ սկսեցին կիրառել 16 ռազմական օդանավեր, հատկապես ռմբակոծիչներ, որոնք ի վիճակի էին ռմբակոծել նաև գիշերը¹⁹: Իսմայիլ Հաքքըն նշում է, թե թուրքերի ուժերը հասնում էին մոտ 200000-ի, սակայն ավելի հավանական էր 120000-ը, ներառյալ՝ օգնական քրդական ուժերը: Թուրքերի ճնշման տակ շեյխ Սայիդը նահանջեց դեպի Իսյանի ձորը, որտեղ նրան միացան Էրզանից ծանր կորուստներով նահանջող Արդուռահմանի ջոկատները: Ոչ երկարատև մարտերից հետո նրանք ստիպված նահանջեցին Դարահին, և մարտի 27-ին թուրքական 9-րդ կորպուսը գրավեց Էյազիզը և Վարդոն՝ փակելով ապստամբների ճանապարհը դեպի Իրաք և Սիրիա²⁰: Մինչ այդ շեյխ Շեֆին, որը փետրվարի 21-ին գրավել էր Բալուն, իսկ մարտի 5-ին՝ Էյազիզը, մարտի

¹⁵ Metin Tokar, 1925 Kırt ayaklanmas, Istanbul, 1985, s. 101.

¹⁶ Никитин В., Курды, М., 1964, с. 165.

¹⁷ Гасратян Н., Курды Турции в новейшее время, Е., 1990, с. 137.

¹⁸ Հարո Սաունի, նշվ. աշխ., էջ 248:

¹⁹ Olson R., The Emergence of Kurdish Nationalism and Sheikh Said Rebellion, Austin, 1998, p. 10.

²⁰ Metin Tokar, 1925 Kurt ayaklanmas ve Seit sait ayaklanmas, Istanbul, 1985, s. 84.

6-ին հանդիպեց ԹԱՄԺ-ի պատգամավոր դերսիմցի Հասան Խայրիի հետ: Թվում էր, թե Դերսիմը կմիանա ապրստամբությանը, սակայն անհաջող գրոհից հետո Դերսիմի ղեկավարները մարտի 16-ին հայտնեցին իրենց հավատարմությունը թուրքական կառավարությանը և տվեցին նրան օգնական ջոկատներ: Իսկ երբ թուրքերը արշավում էին Էյլազիզ, և շեյխ Շեֆին ցանկանում էր պաշտպանել այն, Դերսիմի և Էյլազիզի քրդերը Դողանդեդետոլու Հուսեյնի գլխավորությամբ թիկունքից հարվածեցին շեյխ Շեֆի ուժերին: Դրա հետևանքով ապրիլի 1-ին ապստամբները նահանջեցին Բալուի ուղղությամբ, որին մոտենում էին Քյազըմ փաշայի ուժերը: Ապստամբները Մենդլի կիրճում ծուղակ պատրաստեցին, որի մեջ ընկավ Քյազըմ փաշայի 5-րդ դիվիզիան, որը, չնայած ծանր կորուստներին, կարողացավ կիրճից դուրս մղել քրդերին, որոնք ցրվեցին տեղի անտառներում: Շեյխ Շեֆին մի քանի զինվորներով նահանջեց Ճապաղջուր, որ միանա շեյխ Սայիդին: Սակայն ապրիլի 6-ին Քյազըմ փաշայի 5-րդ դիվիզիայի զորամասերը մտան Ճապաղջուր: Շեյխ Սայիդը 300 ձիավորով նահանջեց դեպի Սոլիան: Այստեղ նրանց միացան ապստամբական ղեկավարներ՝ շեյխեր Մուսթաֆան և Իբրահիմը, որոնք դեռ փետրվարի 20-ին Քղիում երկուհազարանոց ջոկատով թուրքական 8-րդ կորպուսի զորամասերին ծանր կորուստներ պատճառելուց հետո ստիպված էին նահանջել խորմեկ ցեղի՝ թիկունքից հարվածելու պատճառով: Ապրիլի 5-ին Կարլուվա հարթավայրում թուրքական 8-րդ կորպուսը խորմեկ ցեղի աջակցությամբ պարտության մատնեց ապստամբներին, որոնց մնացորդները ապրիլի 6-ին Սոլիանի մոտ միացան շեյխ Սայիդին:

Ապստամբական 4-րդ շրջանը ղեկավարում էին շեյխ Աբդուլահիր, զընդապետ Հասանանլը Խալիթ Բեյը, Ալի Ռեզան և ջիբրան ցեղի աղաները: Ապստամբության սկզբում նրանք գրավեցին Սոլիանը, Վարդոն, Մանազկերտը, Մուշը: Վարդոն գրավելուց հետո մարտի 16-ին շեյխ Աբդուլահիր 100 ձիավորով շարժվեց դեպի Արփադերեսի կիրճը, որտեղ սակայն կանգնեցվեց խորմեկ, չերեկ ցեղերի և Խնուսի թուրք ժանդարմների կողմից: Մարտի 19-ին Ջիբրանլը Խալիթի եղբայրները՝ Սելիմը և Ահմեդը, 200 ապստամբով թողեցին Վարդոն և Մանազկերտում միացան Հասանանլը Խալիթ Բեյին: Այսպիսով, ապստամբները չկարողացան գրավել Բիթլիսը և ազատել Ջիբրանլը Խալիթ Բեյին, Յուսուֆ Ջիային և այլոց: Մուրադ գետի կամրջի մոտ ճակատամարտից հետո նրանք բոլորն էլ գնդակահարվեցին:

Իմանալով այդ մասին՝ ջիբրան ցեղը և շեյխ Աբդուլահիր, որոշելով վրեժ լուծել, հավաքեցին բավականաչափ ուժեր և մարտի 20-ին ծուղակ պատրաստեցին Սյոյլեմեզ (Խնուս) գյուղի մոտ ու ջախջախեցին 12-րդ դիվիզիայի 34-րդ գունդը: Սակայն ուժերն անհավասար էին, և օգնության հասած դիվիզիայի մյուս գնդերը ստիպեցին քրդերին նահանջել: Երկու օր անց նորից ճակատամարտ տեղի ունեցավ Արփադերեսի մոտ, որտեղ քրդերը նորից նահանջեցին: Հասանանլը Խալիթ Բեյը 1000-հոգանոց հեծելազորով փորձեց գրավել Խնուսը, բայց անհաջող և ստիպված նահանջեց արևելք: Կարաքյոսեում գտնվող թուրքական ուժերը և հայդարան ցեղերը ստիպեցին նրանց նոր ճակատամարտ տալ, որտեղից պարտված Հասանանլը Խալիթ Բեյը ստիպված անցավ Իրան, ուր նրան պարտության մատնեցին իրանական կառավարական զորքերը: Սպանվե-

ցին Խալիթ բեյի և շեյխ Սաիդի որդիները և շատ այլ ղեկավարներ: Այդ ճակատամարտից հետո Հասանանլը Խալիթ բեյը և Ալի Ռեզան միացան Իսմայիլ աղա Սմկոյին:

Այդ օրերին էլ թուրքական հրամանատարությունը հանդես եկավ հայտարարությամբ, որտեղ ասվում էր, որ շեյխ Սաիդին ողջ հանձնողին խոստանում է 1000 լիրա, մեռածի համար՝ 700 լիրա: Թուրքական զորքերն անընդհատ հարձակվում էին, և Սաիդը ստիպված էր նահանջել Գենչ, որտեղից էլ սկսվել էր ապստամբությունը: Այստեղ՝ Գենչի գոգահովտում, ապստամբները շրջապատվեցին և ջախջախվեցին, իսկ նրանց ղեկավարները՝ շեյխ Սաիդը, Աբդուլլահը և էլի 29 ղեկավարներ, Մուրադ գետի Չարփոխ կամրջի վրա գերի ընկան²¹: Ապստամբների ջոկատները նահանջեցին Շարաֆուդդինդաղ լեռնաշղթայից այն կողմ (Մուշից 45 կմ հս.-արմ.), որտեղ նորից շրջապատվեցին և ոչնչացվեցին: Գերի ընկածներին տարան Դիարբեքիր, որտեղ նրանց կանգնեցրին անկախության դատարանի առաջ: 1925 թ. հունիսի 29-ին դատարանը 47 ղեկավարների, որոնց թվում և շեյխ Սաիդին դատապարտեց մահվան՝ կախաղանի միջոցով: Հաջորդ օրը դատավճիռը ի կատար ածվեց²²: Օգտվելով առիթից՝ քեմալականները մահապատժի ենթարկեցին նաև քուրդ մտավորականության ներկայացուցիչներին, որոնք չէին մասնակցել ապստամբությանը, օրինակ՝ շեյխ Ուրբեդալլահի որդի Աբդուլ Կադիրին և նրա որդուն՝ բանաստեղծ Քեմալ Ֆեզի բեյին, փաստաբան Ռեֆիկ բեյին և էլի 200 ազդեցիկ քրդերի²³:

Շեյխ Սաիդի ապստամբությունը ազգային-ազատագրական պայքար էր, սակայն այս շարժման մեջ շատ կարևոր էր հոգևորականների դերը, որն ավելի մեծացավ նրա աշխարհիկ ղեկավարների ձեռքակալումից հետո: Քուրդ շեյխերը և ժողովրդի մեծ մասը չընդունեցին Մուսթաֆա Քեմալի և նրա որդեգրած էթաթիզմի և լաիցիզմի քաղաքականությունը և որակեցին նրան որպես իսլամը անարգողի և անհավատի: Ապստամբության մեջ իսլամ հոգևորականների մասնակցությունը հմուտ կերպով օգտագործեցին քեմալականները՝ քրդական շարժումը որպես հետադիմական երևույթ ներկայացնելու համար:

Մյուս գործոնը քուրդ ֆեոդալների և շեյխերի վախն էր, որ հանրապետական Թուրքիայում իրենք կկորցնեն իրենց հողերը, արտոնությունները, ազդեցությունը և ի վերջո՝ իշխանությունը:

Մեծ էր հայերի և հատկապես իսլամ ընդունած հայերի մասնակցությունը այս ապստամբությանը: Թուրքական պատժիչ ջոկատները հաշվեհարդար էին տեսնում հայերի հետ՝ հաշվի չառնելով մասնակցել են նրանք ապստամբությանը, թե՞ ոչ: Դիարբեքիրի և Անկարայի Անկախության դատարանները մահվան էին դատապարտում յուրաքանչյուր հայի, ով հայտնվում էր մեղադրյալի աթոռին՝ առանց հաշվի առնելու մեղքը կամ մասնակցության չափը:

Շեյխ Սաիդի ապստամբության պարտության պատճառները ներքին և արտաքին են, ազգային և քաղաքական:

²¹ *История Курдистана*, с. 274.

²² Նույն տեղում, էջ 275.

²³ **Կարո Սաաունի**, նշվ. աշխ., էջ 250:

Ապստամբության պարտության ներքին պատճառը նրա ցեղային սահմանափակությունն էր: Ապստամբության ղեկավարներին չհաջողվեց շարժման մեջ ներգրավել քաղաքների բնակիչներին, որոնց մեծ մասը, վախենալով ապստամբների բռնություններից ու կողոպուտներից, համագործակցում էր թուրքերի հետ:

Ռազմական առումով քրդերը անկազմակերպ էին, չունեին կանոնավոր զորամասեր, վատ էր համագործակցությունը և կապը ջոկատների միջև: Մինչդեռ թուրքերը օգտագործում էին մարտական ինքնաթիռներ, շատ արդյունավետ էր աշխատում նրանց հրետանին, լավ էր աշխատում կապի ծառայությունը, իսկ քրդերի տարածքում հեռագրալարերը կտրված էին, քրդական շատ քաղաքներ ընդհանրապես չունեին հեռագրական կապ: Թուրքերի վերահսկողության տակ եղած տարածքներում զարգացած էր երկաթուղային ցանցը, ինչը հնարավորություն էր տալիս նրանց կարճ ժամանակահատվածում խոշոր զորամիավորումների համալրումներ նետել ռազմաճակատի կարևոր հատվածներ՝ Թուրքիայի արևմուտքից:

Ապստամբության պարտության արտաքին պատճառներն այն էին, որ մերձավորարևելյան բոլոր պետությունները ցանկանում էին ջախջախել այդ ապստամբությունը, քանի որ վախենում էին իրենց տարածքներում բնակվող քրդերի ելույթներից: Ֆրանսիան ևս ոչ միայն դեմ էր ապստամբությանը, այլև թույլ տվեց, որ Սիրիայի տարածքով թուրքական զորքերը երկաթուղով տեղափոխվեն Մարդին՝ քուրդ ապստամբների թիկունքը, որ պարտված ապստամբները չանցնեն Սիրիա: Նույն քաղաքականությունն էր վարում Անգլիան, որի շնորհիվ Թուրքիան սկսեց օգտագործել մարտական ինքնաթիռներ: Իրանը նույնպես բացասաբար ընդունեց շեյխ Սայիդի ապստամբությունը: Ավելին, երբ պարտված ապստամբները նահանջեցին Իրան, կառավարական զորքերը նոր պարտության մատնեցին նրանց, հաշվեհարդար տեսան գերիների հետ, ողջ մնացածները մի կերպ փախան Իրաք: Թվում էր, թե Խորհրդային Միությունը կողջունի քրդական այս հեղափոխությունը, սակայն խորհրդային կառավարությունը հանդես եկավ հայտարարությամբ, որտեղ դատապարտում էր հետադիմականներին ու Անտանտի գործակալներին և իր աջակցությունը հայտնում քեմալական կառավարության ձեռնարկած քայլերին:

КУРДСКАЯ ПОЛИТИКА МУСТАФЫ КЕМАЛЯ И ВОССТАНИЕ ШЕЙХА САИДА В 1925 Г.

САИС Н. А. С.

Резюме

После МЗдросского перемирия 1918 г., , сходя, зяопасен, я, яч тоя населенныея курдам, я районы будутя отданыя Армен, , ,я ка, рск, йя "Ком, тетя незав, с, мост, я Курд, стана", я возглавляемыйя Сурехья Бадрханом, я направ, ля вя Пар, жя Шер, фа — пашуя Нея , мяяя поддржк, я со стороны держав Антанты, Шер, — — паша вынужден был

объединитьс с арм нской делегацией. Объединенна арм но – курдска делегаци смогла добиться согласи держав Антанты на создание независимого Курд, стана, ячтоя было закреплено в с2а2ь х 62, 63 , 64 Севрского договорах Однако пр, ход к влас2, в ТЗрц, , МЗс2афы Кемал , завоеван, е Закавказь Сове2ской Росс, ей внесл, , зменен, в бл, жневос2очн3ю пол, 2, к3 Англ, , , Франц, , х С2ара съ не доп3с2, 2ь союза межд3 ТЗрц, ей , Росс, ей, Ан2ан2а пошла на 3с23пк, МЗс2афе Кемалю, в 2ом ч, сле , по кЗрдском3 вопрос3х С повес2к, Лозанской конференц, , был сн 2 кЗрдск, й вопросх После Лозанской конференц, Мх Кемаль о2рекс о2 сво, х обещан, й – да2ь кЗрдам ав2оном, ю – , с2ал провод, 2ь более жес2к3ю пол, 2, к3 асс, м, л ц, , , нежел, младо2Зрк, х В 2ак, х 3слов, х кЗрды поспеш, л, объед, н, 2ьс , воор3женным восс2ан, ем доб, 2ьс незав, с, мос2, х Сяэ2ойцельюявя1923гэнаяосновеянесколькоиякЗрдф ск, э ком, 2е2ов был создан ком, 2е2 "Азад, "э Его возглав, л, как предс2ав, 2ел, племенныэ вождей, 2ак , , н2елл, генц, , э Ком, 2е2 с2ал го2ов, 2ьс к восс2ан, ю, ко2орое вспыэн3ло в феврале 1925 года под предвод, 2ельс2вом шейэа Са, да, однако вскоре повс2анцы по2ерпел, поражен, еэ